



SOPRINTENDENZA
ARCHEOLOGIA
BELLE ARTI
E PAESAGGIO
DEL FRIULI VENEZIA GIULIA



ZORNADE INTERNAZIONÂL DAI DIRITS DES PERSONIS CUN DISABILITÂTS

ai 3 di Dicembar dal 2021
PALAÇ CLABASSI, UDIN

Ai 3 di Dicembar e je *la Zornade Internazionâl dai dirits des personis cun disabilitâts*, istituide dal 1992 de Organizacion des Nazions Unidis, dant continuitât al *An internazionâl des personis disabilis* proclamât intal 1981, par promovi la inclusion, la dignitât, i dirits e il benstâ des personis cun disabilitâts e par combati ogni forme di discriminazion.

Il **Ministeri de Culture** al sosten la iniziative cu la organizazion di manifestazions e di events par dute la Italie intal rispiet dal principi di avualance e libertât di dutis lis personis, cussient de impuartance di garantî a ducj lis stessis oportunitâts inte partecipazion e fruizion dal patrimoni culturâl.

Lis ativitâts proponudis a vuelin sensibilizâ e cjapâ dentri dut il public par favorî une **citadinance ative e cussiente** sui temis **de inclusion sociâl**, daûr dal sproc *Une di ad an dut l'an*.



La Sorintendence Archeologie, bielis arts e paisaç dal Friûl - Vignesie Julie e presente **une rassegna di videos e di curtmetraçs** che a contin il nestri teritori e i siei bens culturâi cjalâts cuntune voglade vierte, atente e sensible.

I videos a son stâts realizâts di citadins cun **dificoltâts di acès e di fruizion al patrimoni culturâl** (disabilitâts sensoriâls, motoriis o cognitivis, malatiis raris, margjinalitâts linguistichis o culturâls, e v.i.) che cumò a vivin, a lavorin, a studiin o che a son a stâ in maniere temporanie in Friûl - Vignesie Julie.

A àn aderît ae iniziative Centris diurnis o residenziâi di setôr sociosanitari, cooperativis sociâls e associazions di volontariât che a dan acet e che a assistin personis cun dificoltâts cognitivis, psichichis e cun limits di autonomie. A àn aderît, cun di plui, singulis personis speciâls, aministrazions publichis e istitûts scolastics intîrs, realizant lavôrs multidissiplinârs par scoltâ e par dâ vôs, par metisi intai bregons di cui che ogni dì al fronte dificoltâts e sfidis. Forescj, migrants e Centris di acet par minôrs no acompagnâts nus contin de voie di integrâsi, di cognossi e di capî la storie e il patrimoni culturâl de nestre region.



Propit li, denant di me

Cjalâsi ator e scuvierzi ce che o vin dongje. Cjalâlu cu atenzion e scuvierzi la sô storie e bielece. Contâ e condividi lis propriis scuvierzîs e sorpresis. Scuvierzi une ricjece dulà che tantis voltis il voli al veve cjalat masse inlà.

La iniziative e à l'obietf di valorizâ il nestri patrimoni culturâl e di disvilupâ une **riflession su lis dificultâts di acès ae culture**, midiant di un progjet che al vûl stimolâ un **sintiment di cussience** dal patrimoni culturâl, contribuî **ae sô tutele in mût difondût e condividût**, incoragjant e dant spazi e visibilitât ae **partecipazion** e al **spirt di iniziative personâl e coletîf e al incuintri** tra lis diviersis **realtâts, storiis e identitâts** che a caraterizin dut il teritori regjonâl.

Ducj i videos fats dai participants si podaran viodi sul sît de Sorintendence <https://www.sabap.fvg.beniculturali.it/> dai 3 di Dicembar dal 2021 indenant.

Aes 17.00, in direte webinar, a saran presentâts i **protagoniscj** dai elaborâts multimedîai e i risultâts de iniziative culturâl. Si podarà partecipâ ae direte webinar, libare e gratuite on line, colegantsi a:

<https://meet.google.com/uko-drwa-edv>

Program: **aes 17.00 direte webinar**

Salûts de **Sorintendente dotore Simonetta Bonomi**

- Presentazion dai **protagoniscj** dai elaborâts multimedîai e dai risultâts de iniziative culturâl

Morena Maresia

Sorintendence Archeologjie Bielis arts e Paisaç dal Friûl - Vignesie Julie

intervents di:

Monica Bernacchia

Responsabile dal dipartiment Comunicazion, Museu tatil statâl Omero, Ancone

Marco Berton

Gjornalist, Associazione VolonWrite, Comunicazion sociâl su la disabilitât, Turin

Carmen Riccato

Diretore artistiche dal Disability Cine Festival, Turin

Daniele Fedeli

Professôr ordenari di Pedagogjie Speciâl, coordinadôr dal cors di studis in Siencis de formazion primarie, diretôr dai cors di specializazion pes ativitâts didatichis di poie, Universitât dal Friûl

L'event al è inserît dentri de
**IX Edizion Bienâl Arteinsieme – culture e culturis
cence barrieris – Museu Omero**

<https://www.museoomero.it/educazione/arteinsieme/>



A cjapin part ae iniziative:

ALIS FVG Onlus, associazion disabilitât e inclusion, Muimans (UD) / Cooperative Sociâl Trieste Integrazione a m. Anffas Onlus; grup CSE Centri Educatîf Diurni, Triest / Associazion taliane Tinnitus - Acufene, Mortean (UD) / Associazion A.S.D. “Sentimento in Movimento”, Percût (UD) / ASUFC Csre La Terza Via, Udin / CIPART Grup artistic de Comunitât Nove, Cooperative Sociâl Itaca, Dipartiment di Salût mentâl, Udin / CIVIFORM Soc. Coop, acet MSNA, Cividât (UD) / L. Clocchiatti, studente universitarie cuntune piçule disabilitât, grande appassionade di art, Remanzâs (UD) / Gruppo Immagine e MiniMu, Museu dai fruts, Triest / Associazion Insieme si può, C.S.R.E. “Chiara Aquini”, Reane dal Roiâl (UD) / Istitût comprensîf, scuele primarie ples Dante Alighieri, Grau (GO) / ITACA Coop Sociâl, Servizi Sirio di Glemone e Cavour di Tumieç / Muhammad Wajid Abbasi, videomaker e youtuber pakistan, di doi agns in Italie, Sante Marie la Lungje (UD) / OIKOS Onlus Il Mondo in Casa, comunitât par MSNA, Feagne (UD) / OIKOS Onlus Una casa nel Mondo, comunitât par MSNA, Tor di Zuin (UD) / Partecipa! ODV, Associazion di volontariât pe disabilitât, Muimans (UD) / I Petali ODV, Associazion di solidarietât, Sacîl (PN) / Comunitât Piergiorgio Onlus, Udin / Il Piccolo Principe, Societât Cooperative Sociâl Onlus, Cjasarse (PN) / Pôl Liceâl Gurize: I.S.I.S. Liceu Classic Dante Alighieri, Liceu des Siencis Umanis - Economic Sociâl Linguistic Scipio Slataper, Liceu sientific Duca degli Abruzzi, Gurize / Fondazione Radio Magica onlus dutune cun a .lab Centro Solidarietà Giovani G. Micesio onlus, Udin / Refugees Public School di Ospiti in Arrivo ODV, scuele di talian par forescj, migrants, o par cui che al fâs domande di asîl / Grup Ragazzi Si Cresce, Comun di Talmassons (UD)

Dute la zornade si davuelzarà in modalitât online daûr dai disvilups de emergjence sanitarie Covid-19.

INFO: sabap-fvg@beniculturali.it; 0432 504559 – 511056 <http://www.sabap.fvg.beniculturali.it/> @SABAP.FVG

